



REPUBLIKA E SHQIPËRISË
KUVENDI

MIRATOHET

KRYETARI



REZOLUTË

**PËR VLERËSIMIN E VEPRIMTARISË SË KOMISIONIT
QENDROR TË ZGJEDHJEVE PËR VITIN 2014**

Kuvendi i Shqipërisë,

- Duke konsideruar se Komisioni Qendror i Zgjedhjeve është organi më i lartë i përhershëm shtetëror, i ngarkuar për administrimin e zgjedhjeve dhe shpalljen e rezultatit të tyre;
- Duke vlerësuar se ushtrimi i funksioneve nga Komisioni Qendror i Zgjedhjeve përmbytjen e zgjedhjeve të lira, demokratike, të ndershme dhe në përputhje me standarde ndërkombëtare, është me rëndësi vendimtare për garantimin e të drejtave themelore dhe konsolidimin e shtetit të së drejtës;
- Duke mbajtur në konsideratë se veprimtaria e Komisionit Qendror të Zgjedhjeve duhet të udhëhiqet nga parimet e integritetit, të paanësisë, të pavarësisë politike dhe institucionale, të transparencës, e të profesionalizmit;
- Duke besuar në rëndësinë e bashkëpunimit dhe bashkërendimit të Komisionit Qendror të Zgjedhjeve me partitë politike, strukturat shtetërore, shoqërinë civile dhe të gjithë aktorët e tjera, që kontribuojnë në realizimin e procesit zgjedhor sipas standardeve ndërkombëtare;
- Duke nënvizuar se zhvillimi i zgjedhjeve të përgjithshme, të barabarta, të lira, të fshehta dhe të drejtpërdrejta, në respektim të parimeve bazë të Trashëgimisë Elektorale Evropiane, Kodit të Praktikës së Mirë në Çështjet Zgjedhore të Komisionit të Venecias dhe të Dokumentit të Kopenhangenit të OSBE-së, përbën përgjegjësinë themelore të veprimtarisë së KQZ-së;

Pas shqyrtimit të Raportit të Komisionit Qendror të Zgjedhjeve, mbi veprimtarinë e vitit 2014, konstaton se:

- Gjatë vitit 2014 KQZ-ja, ka realizuar përgjithësisht kërkesat dhe detyrat e lëna nga Kuvendi, me Rezolutën për vlerësimin e veprimtarisë së institucionit, miratuar më 24.7.2014,

për fokusimin në një sërë çështjesh që kanë të bëjnë me zgjedhjet vendore të vitit 2015;

- Viti 2014 ka qenë një vit jozgjedhor;
- KQZ-ja gjatë vitit 2014, ka organizuar veprimitari për trajtimin, analizimin e aspekteve të ndryshme të procesit zgjedhor, për të evidentuar problematikat që lidhen me përgatitjen, administrimin dhe shpalljen e rezultatit të zgjedhjeve, si dhe adresimet për ndryshime ligjore në Kodin Zgjedhor, nëse është rasti, si dhe në aktet e nxjerra nga vetë KQZ, në aspektin organizativ;
- KQZ gjatë vitit 2014, në zbatim të detyrimit të Kodit Zgjedhor, nenit 21, pikat 9 dhe 10, jashtë periudhës zgjedhore, ka kryer trajnime për administrimin zgjedhor, si dhe programe edukimi me tematika të ndryshme zgjedhore;
- Gjatë vitit 2014, KQZ ka kryer veprimitari paraprake si dhe ka marrë disa vendime për përgatitjen e zgjedhjeve për organet e qeverisjes vendore të vitit 2015, si reflektim i ndarjes së re Administrativo-Territoriale. Një numër i konsiderueshëm aktesh nuk janë miratuar ende, në respekt të afateve ligjore për përgatitjen e zgjedhjeve të 21 qershorit 2015;
- Lidhur me vlerësimin e mundësinë së aplikimit të teknologjisë së informacionit në procesin e zhvillimit të zgjedhjeve, SEN dhe SEV nuk rezulton që të jetë bërë ndonjë punë e veçantë. KQZ-ja ka funksionuar me 4 anëtarë, vendimmarja për aplikimin e këtyre teknologjive kërkon shumicë të cilësuar. Si rrjedhojë ky detyrim i Kodit Zgjedhor nuk është përbushur prej saj gjatë vitit 2014;
- Gjatë vitit 2014, lidhur me veprimitaritë e organzuara me partnerët ndërkombëtarë dhe vendas, KQZ-ja ka zhvilluar një sërë veprimitarish bashkëpunuese, si në plan ndërkombëtar ashtu edhe në nivel kombëtar, duke zgjeruar rrugët e bashkëpunimit, me qëllim fitimin e përvojave më të përparuara ndërkombëtare për rritjen e performancës së institucionit në organizimin, administrimin dhe menaxhimin e të gjithë procesit zgjedhor;
- Gjatë vitit 2014, veprimitaria e KQZ-së, si në zhvillimin e mbledhjeve të Komisionit, ashtu edhe në të gjitha veprimitaritë e organzuara në funksion të përbushjes së kërkesave ligjore, rekomandimeve ndërkombëtare dhe kombëtare dhe kërkesave të Rezolutës së Kuvendit, rezulton që të jetë transparente dhe e hapur për publikun.

Kuvendi, për vitin 2015, i kërkon Komisionit Qendoror të Zgjedhjeve, fokusimin në këto drejtime:

1. Komisioni Qendoror i Zgjedhjeve duhet të vijojë me realizimin në mënyrë të përgjegjshme të detyrave të përcaktuara në Kodin Zgjedhor, si dhe në Planin Orientues të Veprimeve për zgjedhjet vendore të 21 qershorit 2015, me qëllim respektimin e standardeve për zhvillimin e zgjedhjeve të drejta, të lira dhe të ndershme;
2. Për zhvillimin e zgjedhjeve vendore 2015, KQZ-ja duhet të mbajë në vëmendje dhe të vijojë të përbushë rekomandimet e Misionit Ndërkombëtar të Vëzhgimit të Zgjedhjeve të OSBE/ODIHR-it, që i adresohen veprimitarisë së saj dhe në mënyrë të veçantë forcimit të pavarësisë së organeve të administratës zgjedhore;
3. Komisioni Qendoror i Zgjedhjeve, në bashkëpunim me pushtetin vendor, duhet të vijojë punën përgatitore për organizimin e zgjedhjeve vendore të vitit 2015, në zbatim të dispozitiveve përkatëse të Kodit Zgjedhor, si dhe të ndryshimeve që u reflektuan në të, si rezultat i ndarjes së re administrativo-territoriale të Republikës së Shqipërisë, ndarje e cila afektoi edhe ndryshime në Kodin Zgjedhor;
4. Për vitin 2015, KQZ duhet të vijojë me përgatitjen dhe miratimin e të gjithë projektvendimeve dhe projektudhëzimeve që duhet të dalin në bazë dhe për zbatim të Kodit Zgjedhor për zgjedhjet vendore, duke i konsultuar ato gjerësisht me partitë politike;

5. KQZ-ja tē vijojë punën me zhvillimin e programeve intensive tē trajnimit tē administratës zgjedhore, nē bashkëpunim me partitë politike dhe programet e edukimit tē zgjedhësve, veçanërisht pér disa kategori tē veçanta, si votuesit pér herë tē parë, votuesit me aftësi tē kufizuara, votueset e gjinisë femërore, etj.;

6. Pér tē forcuar rolin e administratës nē procesin zgjedhor, KQZ-ja tē përpunojë masa administrative dhe ligjore, me qëllim vendosjen dhe garantimin e standardeve më tē larta pér një administratë bazuar nē parimet e administrimit tē shërbimit civil dhe veçanërisht nē merita, profesionalizëm, tē paanshme politikisht dhe transparente;

7. KQZ tē vijojë punën pér plotësimin e nevojave pér infrastrukturën e përgatitjes dhe tē zhvillimit tē zgjedhjeve, duke i kërkuar edhe Qeverisë që tē ofrojë mbështetje nē këtë aspekt;

8. KQZ duhet tē përmbushë detyrimin ligjor pér hartimin e Planit tē Veprimit pér mundësinë e aplikimit tē teknologjisë së informacionit nē procesin e shpalljes së rezultatit tē zgjedhjeve;

9. Komisioni Qendror i Zgjedhjeve duhet tē vendosë dhe tē ruajë raporte sa më tē ngushta bashkëpunimi me tē gjithë aktorët që janë pjesë e proceseve zgjedhore, me qëllim arritjen e objektivit pér realizimin e zgjedhjeve tē lira dhe tē drejta;

10. Komisioni Qendror i Zgjedhjeve duhet tē punojë më shumë pér tē ushtruar autoritetin e vet ligjor pér detyrimin e partive politike që tē kryejnë dhe tē publikojnë raportet vjetore tē auditimit financiar nga ekspertët kontabël tē licencuar, duke i kërkuar Qeverisë, që tē ofrojë mbështetjen e duhur financiare nē këtë aspekt.

11. Pér tē rritur transparencën e financimit tē fushatës zgjedhore, KQZ-ja tē publikojë raportet paraprake tē financimit tē fushatës tē forcave politike, përpara ditës së zgjedhjeve pér tē gjitha tē ardhurat dhe shpenzimet pér qëllime fushate.

Miratuar nē datën 30.4.2015